

大元聖政國朝典章

兵部卷之二

典章二十五

軍器



三十七 五十七 七十七 九十七 處死

甲

穿散甲 片不堪 穿吊禦 敵者答 徒一年

不成副

私有全 副者

隱

鑿或 刀擊

不堪使 用杖

四件以五件以 下杖 上杖 徒一年 徒四年

私有十 件者

藏

弓箭

不成 副杖

四副以五副以 下杖 上杖 徒二年 徒三年

私有十 副者

若有捉獲隱藏軍器合徒人數取責明白招伏照勘完備自結案起解申部月日為始權令本處帶錄居作如無作院應當處官役修理城隍公廨待報下決遣通理月日役滿疎放

拘收

至元二十二年九月樞密院准

中書省劄付至元二十二年五月十五日

奏過事內一件蠻子田地裏拘收到底弓箭軍器什物有行院行省行  
臺的城子裏底只交他每就便分揀了中使底弓箭哈兒蒙古探馬  
亦每根底與者但中底兵器什物漢兒蠻子官人每根底休交管行  
院行臺官人每就便提調管者交蒙古軍人每看守者漢兒蠻子軍  
人每根底不交看守呵怎生麼道行省行院行臺的路分裏達魯花  
赤畏吾兒回回色目官人每依例提調管者交蒙古軍每看守者漢  
兒蠻子官人每根底休教管者不中使不中用底交毀了呵怎生麼  
道奏呵哈兒弓箭每根底交與探馬赤每呵不中漢兒蠻子官人每  
休交管者弓根底恐怕壞了麼道呵蒙古軍每根底與者各路裏家  
古軍官每也有者那底每就便納入庫裏提調者沒蒙古軍官城子  
裏交達魯花赤畏吾兒回回色目官人每收拾入庫裏提調者麼道  
聖旨了也欽此

○**捕弓手別無軍器**至元二十三年三月江西行省據江州路申見設  
捕弓手別無軍器照得腹裏弓兵俱有置備器仗江南與中原地里  
不同崇山峻嶺盜賊俱各執把軍器劫掠財殺傷人命弓手不敢  
置器仗止是坐視而已無由

十一月據龍興路所申盜賊事理本省与按察司講究各處盜賊生發蓋因見設巡捕弓手別無執把軍器巡警致令如此檢會到欽奉聖旨條畫內一款節文州縣城子相離爲遠去處其間五七十里所有村店及二十戶以上者設置巡防弓手合用器仗必須足備欽此已經施行去訖今准江准行省咨本省平章政事說十月初六日欽奉聖旨揚摠攝奏將來有南人每執把着軍器行有奉

聖旨問火管火孫丞相您在刑禁約着來麻俺在前行來奉

聖旨你到那裏好生的嚴切禁約者欽此咨請除軍人合費軍器令本管軍官營局造作與軍人行使毋令街下諸人私造私賣執把行使事准此本省參詳若將前省官行下各路弓手置備器仗拘收其弓手俱係新附之人遇有盜賊若無執把軍器且恐不能捉捕議得新附弓手若有已前置到器仗責令各處簿尉巡檢盡數拘收置庫收貯遇有盜賊生發斟酌緩急逐旋關撥追捕事畢却行還庫仍令本處達魯花赤提調施行

○尚書省咨至元二十七年五月二十四日

奏過事內一件江西行省官人每与將文書來吉額等處地面湖南廣東福建這地面相連着有每生草賊生發呵出倚軍器聚集弓手人每收捕來年時江南地面漢兒南人休把弓手禁斷時分這裏的弓

手拘了來如今依着漢兒城子裏去了的體例裏去的說將來有  
遼商軍的在先中書省官人

奏每一個路裏十副弓箭散府裏州裏七副弓箭縣裏五副弓箭教把

阿怎生麼道奏阿是也那般者麼道

聖旨了來如今依着那體例路裏十副散府州裏七副縣裏五副教執把  
城子裏達魯花赤達二畏吾兒回回人每教管者若收捕賊的勾當  
有阿剌軍根底教執把弓箭無勾當時拘收庫裏放着阿怎生麼道  
奏阿那般者好人根底委付者麼道

聖旨了也欽此

○國朝通志至元十六年御史臺劄付奉 中書省劄付欽奉

聖旨內一教節該閣里帖木兒說有民戶每在家每在先休教拿弓箭者  
道來如今帶着弓箭射兔子野雞行有說謊做賊因此生麼道說有  
俺與省家官人每一同商議的漢兒人裏頭拿着弓箭的嚴行治罪  
的文書行麼道商量來除側近有的武衛軍外另个漢軍每出軍把  
軍器者回來將軍器每置庫納者與倉裏來有的軍器休交拿怎生  
去呵奉

聖旨那般者欽此仰欽依施行又奉 中書省劄付樞密院呈與都省商  
量定本院官奏如今各路打捕戶每問將來俺弓箭合把那不合把

如今明白與文字交依中統四年行來時

聖旨達達畏吾兒回回斡脫達魯花赤打捕的巡馬司手監弓手每交把弓箭呵怎生奉

聖旨依着先聖旨行文書交把弓箭者欽此

○**湖廣行省**至元二十三年四月湖廣行省准中書省咨准哈刺赤阿刺八赤蒙古文字譯該漢兒民戶根底帖尺古朶朶又帶刀子拄棒尋出來也麼道交觀阿安童根底說了交行文書疾忙拘收者麼道聖旨了也欽此

**河南**至元二十四年 中書省咨近據御史基呈至河南河北道按察司申照得近承奉 中書省劄付欽奉

聖旨節該巡軍弓箭休拿者悶棍拿者又准至南京等路宣慰司牒備准中書省劄付該欽奉

聖旨節該漢兒民戶每根底鐵尺古朶朶又帶刀子拄棒交行文書疾忙拘收者欽此切見隨路設立急遞鋪兵俱有元置手槍四條合无依例拘收送刑部議得急遞鋪兵鐵尺手槍既係漢兒人氏擬合拘收

都省准呈咨請合爲拘收施行准此照得先准 中書省咨欽奉聖旨節該除軍人外管民官管漢兒蠻子官人每休執把軍器拘收分揀令蒙古軍官每就便納入庫裏提調者沒蒙古軍官城子裏達魯花

赤畏吾兒回回色目官人每收拾入庫裏提調者麼道  
聖旨了也欽此

○聖旨

皇帝聖旨汴梁湖廣行中書省行御史臺宣慰司廉訪司軍官每市舶司  
官人每根底城子裏達魯花赤官人根底但是海島裏有的各處外  
國裏做買賣去的幹脫每根裏做買賣每根底衆百姓根底宣諭的  
聖旨衆官人每幹脫每做買賣的每做自己的面皮待交買賣行海裏入  
去的時分從這裏裏馬疋弓箭每箭幹竹子等別軍器也限將去到那  
壁阿裏換了象隻將着做

上位使將來麼道那裏忻都每的頭目每根底說謊與有今後除  
咱每賜與將去的之外說謊與自己的財物從這裏裏馬疋軍器不揀誰  
休將去者用別財物買要了象隻那壁忻都每根底休將去者道了  
這般宣諭了阿海裏馬疋象隻不揀甚麼軍器將去的人他的財物  
要了罪過斬沒者

聖旨俺的兒兒年七月十二日上都時分寫來

○聖旨大德三年十一月行中書省劄付准

中書省咨准河北河南等處行中書省咨據襄陽路總管府備房州  
房陵縣申弓手節級仇再立等呈有僧正司官任速前來本州普濟

寺安下賞券環刀一口弓箭一把紅油槍一條照得軍器家上司  
禁斷今有僧人係是出家善人別無把執軍器事例照司若便追取  
却緣本僧係房州僧正移文僧正司取發回牒該會驛上司  
條畫內一款漢兒人若有隱藏軍器懸帶弓箭即便赴官送納仍禁圍  
獵等事照得本州僧正官係河西色目人數未審貴州奉到是向上  
司文字追取色目僧官弓箭體例難便施行准此照得僧人任速錐  
是河西人氏判度出家又爲房州僧官率衆告

天祝延

聖壽慈悲忍辱清淨之家別無執把弓箭體例行移不計次數不肯依例  
拘禁本省看詳剃髮僧人修祝爲善執把弓箭環刀軍器若不拘禁  
慮恐因而別生事端咨請定奪送刑部議得河西僧人執把弓箭槍  
刀如准行省所擬拘禁相應 都省准擬請依上拘禁施行

○**德**十一年十二月初四日傳奉 御史臺咨奉 中書省劄付大

聖旨漢兒人每拿弓箭的多有麼道說有如今依在先

聖旨體例弓箭彈弓休拿者省諭多人教行文書者麼道傳

聖旨來欽此照得至元二十年正月准中書省奏除弓人外別个漢兒人  
每弓箭軍器不交執把拘收呵怎生奏呵奉



聖旨伯顏的言語是有在先已言語了來行了來那不曾如今省官每根

底說者那般行者欽此又於大德四年初四日傳奉

聖旨大都裏舊城裏有的百姓每不揀是誰休造彈弓者也休拿彈弓者  
這般宣諭了造彈弓的拿彈弓的打七十七八十七斷沒一半家私者  
聖旨了也欽此

○**國朝開國**

至大二年三月江西行省准

尚書省咨至大二年十一

月十二日

奏在先有姓的漢兒蠻子每弓箭軍器休交拿者麼道

世祖皇帝行了

聖旨有來近年以來爺的替頭裏孩兒哥哥替頭裏兄弟投充校尉倉裏  
閔請來麼道因着那般執把弓箭的多有又衙門裏行着閔要來的  
又將着

諸王駙馬并官人每的文字執把弓箭鏢刀軍器行的多有如今依着  
世祖皇帝行來的

聖旨體例各處行与文字但是有姓的漢兒蠻子人每根底有的弓箭軍  
器交拘收在後若有執把的拿住呵依在先

聖旨體例斷罪又武備院裏行與文字今後推稱各衙門勾當裏行有麼  
道索要的漢兒蠻子人每根底休交與呵怎生奏呵奉

聖旨是有那般者欵此都省咨請欵依施行

○江西行省准

樞密院咨皇慶元年十一月二十七日日本院官

奏點軍官札忽兒台副樞題說的事內一件新附軍官軍人有衣甲鎗  
刀弓箭的有如今交他每軍官將軍器其餘新附軍人每軍器都拘  
收了本万户府裏封放着調遣時節交他每執把呵怎生奏呵奉  
聖旨那般者欵此咨請欵依拘收施行

# 許把

○聖祖至元八年御史臺據各道按察司申書吏奏差人等  
告稱每遇差出巡按乞許令懸帶弓箭事為此呈奉到  
中書省劄付於三月初九日聞奏過奉

聖旨教懸帶去者欽此憲臺公議得各道司官除已懸帶外今擬每道司  
箭六副如遇書史書吏奏差人等公出許令懸帶除外仰依數懸帶  
施行無得多餘增置亦不得因而中間文帶別致違錯

○聖祖御史臺奏至大三年七月二十九日  
奏過事內一件在先塔察兒月兒魯那延臺裏行時分禁約漢兒人休  
拿弓箭軍器上頭

世祖皇帝根底奏呵按察司官人每是拿說謊做賊的人每有一个兩個  
出去休察勾當行呵弓箭拿者麼道兩遍

聖旨有來如今尚書省官人每奏了但是百姓的漢兒漢子弓箭軍器在  
了者拿的人依在先體例要罪過者麼道行了文書有俺商量來監  
察廉訪司官人每是拿做賊說謊的衙門有歹人每不愛的多有也  
者休察勾當行時分不交拿弓箭不中的一般有可憐見呵依先

聖旨體例交拿弓箭呵怎生奏呵奉

聖旨那般者致此本堂咨請欽依施行

○**江甯官負箭器**至元八年八月申書省准行省咨據左右司呈該省官以下官負應係江南所在去處實為篤遠又係初新收附地固若不許帶弓箭軍器切恐疎失乞定奪事都省送刑部議得新收殘宋州城難同腹裏地面如准行省所擬許令將帶軍器相應都省聞奏聖子田地裏做官去的人每斟量交把軍器行呵怎生奉聖旨那般行者致此

○**軍人交箭器**至元十二年五月中書省判送樞密院呈據大名路諸軍與管總管有先奉兵刑部符文承奉中書省劄付如遇軍前差遣或還家軍人各處管軍官出給懸帶弓箭器仗印押文憑若在家軍人前來軍前交替概合帶弓箭器仗亦合晉民官依上出給文引明白憑驗即係未立與管之前所承事理看詳諸軍與管即係親臨軍戶遇有軍人前去軍前交替軍役或津送盤纏合令各處與管出給許帶弓箭軍器文引易為照勘乞明降事本院議得目今設立與管官即係親管官司擬合依准所申行下各路諸軍與管總管府并合屬照會施行批奉都堂鈞旨送兵刑部依上照會施行

○**軍人交箭器**

見刑房例捕例

○**軍人交箭器**至元廿一年正月申書刑部奉

十書省制御史其呈河北河南道按察司申河南等路探馬赤軍人  
內執把弓箭之人多係漢兒人今改爲探馬赤軍人執把軍器之人出給  
執照易爲盤問寺事本臺參詳除蒙古探馬赤軍人外上司許令監  
帶弓箭詣本管上司告給執照懸帶及行移河南等路宣慰司檄以  
禁約漢軍人等不許懸帶弓箭軍器相應呈奉中書省判送仰本部  
行移宣慰司禁約施行

○聖旨至元六年十二月 中書省欽奉

聖旨隨路打捕御營野物除正打捕戶執把弓箭外其餘人等並行禁斷  
欽此

○聖旨至元七年六月 尚書省准 中書省咨據  
右三部呈准開元等路宣撫司關開元路申中統三年欽奉

聖旨禁斷弓箭此時有抄海口傳

聖旨禁斷東女直打捕戶弓箭休禁者欽此今奉割付准部關奉省劄奏准  
聖旨禁斷軍器事理却緣照得本路所轄俱係

諸王投下女直打捕人戶每年春種些小油麻並無營運從秋至冬執  
把弓箭打捕水獺貂鼠青鼠等皮貨如達虎豹射捕得到皮貨折納  
包銀布疋如無器械野獸定傷人命若將弓箭禁斷百姓別無出產  
乞照依抄海口傳

聖旨施行事都省參詳開元路人戶別無出產爲藉打捕到皮貨折納差  
發難同別路一體禁斷弓箭箭咨請行下本路照依抄海口傳奉  
聖旨事意施行

# 隱藏

○聖旨至元五年中書省咨該先據右三部呈致奉

聞奏過

聖旨咱每是那般行來都交死呵多也者您道的也依着您商議的行者  
欽此本省今將擬奏定罪名開坐前去請依准施行仍將見禁隱蔽  
軍器人等照依所招依上歸斷

甲私有全副者處死不成副杖五十七下徒一年今散甲片不  
堪穿吊禦敵者咨三十七下

鎗或刀弩私有十件者處死五件以上杖九十七下徒三年四件  
以下杖七十七下徒二年不堪使用杖五十七下

弓箭私有十副者處死滿副弓雙五副以上杖九十七下徒三  
年四副以下杖七十七下徒二年不成副杖五十七下

○聖旨中書省三部承奉中書省劄付近

奏准私有軍器各各徒年杖數遵依行下本路照會外省部照得舊例  
凡有結案事理應申上者徒罪權令本處帶錄居役待報下決罪過  
理月日呈奉中書省劄付依准部呈已後若有捉獲隱藏軍器合

徒人數取責明白招伏照勘完備自結案起解申部月日爲憑  
本處帶錄居作如無作院應當處官役修理城隍公廨待報下決遣  
通理月日役滿踈放等事省部仰若有提撥隱藏軍器人數錄奉  
聖旨并見奉中書省劄付事意施行



# 雜例

○臣臣等謹將國朝聖元二十九年御史基咨據監察御史呈照刷出

中書省右司文卷一宗江淮行省准該據江東道宣慰司八兒思不  
花呈將領軍馬前去寧國澆州兩路招捕作謀賊人參詳賊人若無  
軍器豈能叛亂蓋是各處鐵匠打造發賣若將應有鐵匠全家起移  
各路住坐以爲便當咨請定奪正月二十日都省回咨本省將草賊  
生發去處人匠依上起移禁治施行卑職切詳工商農民各有恒產  
無不懷其土而安其業也若盡起移附近住坐擾之又擾伏慮作耗  
之徒甚於前日又被中廣土衆民所用農器之類何處取給深爲未  
便若令鐵匠依舊安業住坐不令起遣督勅各處官司嚴加禁治無  
令打造軍器違避情良庶慎官吏無懈治作耗州縣自然盜息民安呈  
乞照詳得此呈奉到 中書省劄付該都省准呈除巴勒令各屬官

司用心抚公常切查察無令打造軍器別致非違外仰照驗施行

○臣臣等謹將國朝聖元貞元年四月行中書省准 中書省咨刑部呈賀

安等告東平路達魯花亦咬童不公數內成造脾襖皮甲衣甲鐵刀  
箭鏃槍頭等物除外今後如有達魯花亦各投下似此成造軍器脾  
襖等物隨即詳報所在衙門申覆上司無令擅自成造等因照詳都省

照得各投下已有額造軍器咨請依上禁約無令額外擅造在此  
○**欽定軍器人等**○前至元二十九年三月福建閩海道肅政廉訪司  
准本道廉訪使昭武陳照得前福建行省近准尚書省咨


奏江南地面裹百姓每造了弓箭賣的多有此上諸人執把着弓箭有  
如今除了官局外諸人造了賣的禁治了已後再執把着弓箭的每  
根底做了軍起將來者麻拿道

聖旨了也故此當職今參於街市親見軍人執把弓箭貨賣若不禁治切  
恐民間不知私下收買器器違刑憲就請行移各路禁必中施行

○**欽定軍器人等**○延祐四年九月行臺劄付在 御史臺咨奉 中書

省札可湖廣省咨為軍器事行規樞密院呈江南各翼軍人合用軍  
器官為應付唯復依例除缺課官給外其余物料令軍人自行出備  
官局人匠帶造乃戶府收貯遇有征進回日收納得此送刑部呈約  
會到兵部官一同議得軍器除新附軍官為應付外其余各翼護軍  
合准樞密院所擬各乃戶府選委軍官提調差軍匠與官局人匠成  
造鑄造翼分置庫收貯若元官局去規依上應付物料先依軍匠如  
或不敷管民官司差倩民匠置局成造除軍匠外其余民匠官為應  
付口糧工價若官破寇滅物料以在法論各翼起補逃亡事故等軍  
在家不須置備具呈照詳都省議得除軍人合用兵器擬令自備估

貨物料各乃戶府選差恒匠置局成造不許差簡民匠并官局帶造  
外余權並院刑部所呈仰依上施行本堂官請依上施行



兵部卷之三

典章二十六

驛站

詐稱 位下使臣 騎坐鋪馬	罰條二十七三十七四十七五十七六十七七十七八十七百七	當日 脫脫 禾孫	官吏貨	背站馳	驛兩站	兀刺赤失 去鋪馬剖
		站官 縱令 在逃	中站馬	决		
		站司				
		正犯 人。		决		
		配役				
		驗馬 及當時實 直追徵沒官計 餘利依枉法論 罪仍給本主 使臣須要站道 經過不得於僻 路徑直取道				

走死站馬

借騎鋪馬

違例應

付鋪馬

夾帶從人

多騎鋪馬

多取分例

私帶官物

違例應  
官  
十日  
可令  
夾帶從人  
半

決別  
行求仕

帶  
多  
一  
一  
多  
帶  
從  
人  
名  
附  
過

借騎  
人決

取招斷罪追倍  
馬價給主補買

禁約借用鋪馬  
劄子起馬

使臣多餘取要  
分例職官具名  
申部呈省無職  
人真就便追理

# 站赤

○五聖宗亦修至元年 月中書省奏奉

聖旨六部併作四部除欽使別行外概別路站赤鋪馬數目仰本部常切檢校今逐二區覈

○三諸站鋪馬大槩一体走逆其間或有馬疋忝雜瘦乏病患氣力生受去処虫因走逆使然亦由站間不得其人及本路官司有失照顧今後委自本路管民正官督勸管站常川計點草料槽具各站戶人等將所養馬疋依時飲喂須要肥壯无令瘦弱若是不禁走逆頻頻倒死驗數補買不唯有損站戶抑亦失根隣站驛程緊急公事省部不測差官前來檢校若有偪此站官就便漸遣

○四戶養馬一疋若有倒死又索補買一歲之間所費甚重今知得諸処站赤不郵站戶疾苦中間因事作弊妄行料飲食物百般擾擾仰各路總管府常切体察或有人生首到官取問是的是依條重斷追贖還主別差好人代替

○五站戶多有影占近上人戶不令供馬止要出備食物以益私已若不禁治切恐久而靠損其余戶計今後有人告發或官司

察究得知痛行治罪諸人結攬者同

⑤元奉省札站戶依驗使臣分例上應付當日首思若使臣有勾當住呵官司應付者今依知得諸處站赤例於馬戶處冒行攢數羊酒米麪首思等物除使臣分例食用外多有就落數目今後委向總管府斟酌各站緊慢使臣起數扣筭必用首思數目令本站於馬戶處依理計置明附文簿排日依分例支銷總府每月照刷如有冒破及不應者勒本站官賠償

⑥元奉省札總站許設頭目三員其餘站驛量設一員額外不許添設仍具管站頭目姓名申來

⑦今後站戶如遇買馬仰本管先行相視過然後立契成交須要根買羊小肥壯無病耐騎坐者無得听從站戶止高價少濫買年老有病瘦弱馬疋目下雖省此小馬價不又倒之官司兩不便當

⑧管站官不得私騎站馬及令般馳諸物如違痛行治罪

⑨遇有使臣經過管將起馬劄子辨驗無偽即便應付鋪馬毋得止驗來站關子倒換亦不得非理刀蹬停音

⑩諸站元有牧馬草池仰管民官与本站官打量見數插立標竿明示界畔無得互相侵亂亦不得抄勢官占民田如有種田

与人收到子粒附簿收貯不得非理破使

○使臣經過起數仰摠府取會每季不過次月初十日已裏申部

仍開使臣姓名并鋪馬數目齊整是何官司起馬劄子來往

某外勾當公事

○至大元年五月江浙行省

中書省咨於至大元年正月初九日

奏准下項事理都省除外咨請欽依施行

○件因着使臣頻併上頭站亦每喂生受有良鄉站裏去年九月

至十二月四個月其間起至一万三千三百餘馬來各忽差

的使臣內無体例的并多騎去鋪馬的人每多有依着至元

二十八年完澤丞相為鋪馬生受的止頭也曾奏奉

并祖皇帝旨將大都應有諸處差來未迴去的使臣分間來俺如今也

好生分間有体例無体例的緊的慢的分間了不合当的不

教与多要的鋪馬教減了不緊的使臣每教水路裏相合回

去這般行呵無体例多濫騎鋪馬的人每也怕也者奏呵奉

至大元年

○件外処差出去的使臣每打拷站亦取要外物多要鋪馬又騎

坐鋪馬越至幾路不便換打沉重駝馱的都教這差將去的



人每問者他每合斷的就便要罪過者他每問不得記了姓名文書裏說將來又管站官外脫二禾孫站頭目每作弊壞了站的也有也者那般的人每也都交這差去的使臣問了自脫二禾孫以下就便要罪過呵怎生奏呵奉

聖旨那般者委付好人做脫二禾孫者

○件各處的站赤在先教各路達魯花赤總管提調着來如今其差官人并行省官与將文書來只教路官提調站呵離着站遠的耽誤了勾當的一般者本處有的路府州縣官就近提調呵便當的一般庶道說有俺商量來整治站赤的其間他每的言語是的一般教路府州縣達魯花赤長官提調呵怎生奏呵奉

聖旨那般者欽此

○至大四年七月江西行省准

中書省咨至大四年二月二十三日

奏過事內一件站赤在前屬兵部管來通政院官不用心極治的上頭站赤眼生受有如今休交通政院管交兵部管者庶道

聖旨了也欽此都省除已割付兵部欽依交管外咨請欽依施行

○至大四年正月江西行省准

中書省咨兵部呈檢會到大元年正月初九日中書省

奏過事內一件卽該各處的站亦在先敕各路達魯花赤總管提調着  
來云云見前欽此照得各處水陸站赤事多干碍有司除拘該行省  
宣慰司總行提調外若是站驛置立在於各州府城中正合合本  
路府州達魯花赤長官親臨提調其倚郭司縣勿預若站相離各路  
府州篤遠去處合從附近或所在一州一縣達魯花赤長官提調各  
當尺心整治常要頭疋肥壯車船修整走施均平一切所須物色完  
備撫治站戶獲安倘致逃竄倒斷必致罪及提調官吏得此照得先  
爲整治站赤遍行各處令路府州縣達魯花赤長官欽依提調去訖  
今准前因都省咨請照驗依已今事理施行

○元貞二年月日欽奉

聖旨通政院官人每奏站戶每不揀誰休隱藏者屬上都大都兩路站戶  
根底和崔和買不揀其麼差發休重併要者差去的使臣驢行馬休  
揀騎者站家草地每不揀誰休占了來呵回與者麼道

薛禪皇帝聖旨有來如今屬站的站裏差使超避了城子裏官人每根底  
各投下裏有站家草地每百姓占了不曾與來的也有麼道奏來如  
今站戶每不揀誰交影占者大都上都兩路站戶每根底和崔和買  
休要者但屬站的草地每不揀誰占了來呵回與者驢行馬休揀騎

者道來這般宣諭了呵站戶每影占的大都上都兩路站戶每根底和崔和買要的屬站底草地每不回付的驢行馬揀騎的人每不怕那甚麼道

聖旨俺的

猴兒年正月初七日大都有時分寫來

○西曆一千三百零九年皇慶元年七月一日江西廉訪司承奉行臺劄付准御史臺咨承奉 中書省劄付呈監察御史台主燕南河北車站人戶遠年逃竄有司不肯詣實申報止是椿配見戶包當其各站提領百戶与拘該州縣通同作弊給攬詭名添價販賣驛畜營利益已又提點官等總領親戚退閑官吏假借威勢聘散香茶等物勒索外物致使站戶逃移消乏如今合干部分定擬約束官民便益送據兵部呈叅詳監察御史所言事理擬合通行禁治及劄付御史臺令監察御史各道廉訪司嚴加糾治相應具呈照詳都省仰依上施行

# 使臣

○使臣歸回 中統二年欽奉

聖旨節該攬往來使臣城子裏沒勾當的休入去如有勾當入城去的使臣仰於蓋下的使臣館驛內安下考官員民戶每的房子裏休得安下這般聖旨有來今再行省諭經過使臣今後照依已前

聖旨體例行者若城外立站在城別無勾當公事仰速便倒換合騎鋪馬前去勾當並不得輒入城中迂延滯滯若委是城中合有勾當仰於係官館驛內安下並不得於官員民戶舍內安下如違治罪仍仰站亦人等依理驗視應付鋪馬祇應如違亦行治罪無得違犯事欽此

○詔 至元八年八月 日御史臺劾河北河南按察司申准南京路巡按簽事牒體知在京館驛有本路官員占住却令宣使人等於人家安下就問得站亦官完顏邦傑具到本路館驛除達魯花赤及同知占住訖二位外有二位安下宣使人員以此於南京路行卷內照得至元七年八月初八日承奉兵部符文奉 尚書省劄付備 中書省咨該六月十二日

奏京兆府蓋下底館驛不交使臣每安下呵却交人家裏安下搔擾百姓奉聖旨既有使臣安下館驛不交安下呵却交人家裏安下搔擾百姓那裏

有刑刑俸例錫此

○元貞元年六月中書省判送翰林國史院呈准本院直學士陳奉訓牒會驗先欽奉

世祖皇帝聖旨節該往來使臣於館驛內安下者官員民戶每房子裏休安下者欽此當賊自召入翰苑客居三年本貫東平有老母并其余家屬見住宅舍一區近知得本處官司引領使臣人等於內安下使闔家老幼驚惶无所躡避照得東平館舍非一自有使臣安下去處其本處官司不遵

朝廷典訓輒敢非理搔擾實為未便牒請照驗事准此具呈照詳依例施行奉 都堂鈞旨送兵部行移究治施行

○中統三年二月欽奉

聖旨道與諸路達魯花赤管民官衆百姓每據中書省奏管今體知得出征軍馬往來使臣人等內有不畏公法之人村下取要飲食馬匹草料扯拽頭疋搔擾百姓不安乞禁約事准奏年前為殺退阿里不哥大軍回程燕京住冬有益都李總管反叛不免降兵征討及今各處簽軍守把城池皆因反賊李壇致使百姓生受今逐一區處下場事理

○據征進往來軍馬今後私經過去處每六十里將好水草地面安置營盤一所差蒙古漢兒官員祇待撫合与底依例應

副軍馬使臣不得一面輒入州縣村寨店鎮如有不來設置  
營盤夫處故意於沿路宿頭或村下取要飲食馬匹草料百  
姓人等並不得應副如有違犯之人於已委祇待官處陳告  
與管軍官一同取問得實照依

扎撒斷遣如斷不定呵囉由本路達魯花赤管民官教奏說來者

⑤海青牌子使臣井往來使臣於過往客旅庄農百姓人等處奪  
要拽車牽船騎坐頭疋有妨農種及阻碍客旅經行深為不  
便當除日立站赤添補氣力又札經直道上勘設海青新站  
其餘使臣依曰赴站倒換海青使臣如來到前站公路倒了  
一疋呵換一疋者乏了兩疋呵換兩疋者如是元騎馬疋不  
乏強行奪要頭疋不有罪過那甚麼

⑥長行馬匹草料照依已先体例截自四月一日為頭住支不以  
是何人等毋得鄉下取要馬匹草料百姓亦不得應付這般  
省會已後却有強行取要之人寫了姓名於本路達魯花赤  
總管民官處陳告取問是實照依扎撒斷遣如斷不定呵教  
奏說將來者

⑦近據和曾草料起運諸物雖是官為支價其搬運脚力百姓亦  
是生受已後生可伶見咱每不識那甚麼即日正是養種

農忙時分塊未散雜役人夫盡行住罷所換和買草料內若有已支訖價銀或准訖諸課數內有拖欠者依數送納如今

已是四月為頭和買仰越時分種養母得失候歲計

○軍馬經行鎮店村寨百姓人等避怕擾擾時暫避今已嚴行禁約不令擾擾外仰本路達魯花赤管民官多出文榜招集百姓依舊復業軍家越時種養使臣住坐者如達魯花赤管民官并委付去底人每看覩面皮不為用心勾當亦行斷罪

○諸處軍馬草料截自四月一日住支者

○**臣**至元十年九月河南等路行部見欽奉

聖旨供給兩處行院井上司差遣使臣往來勾當全籍多馬走逆幹辦照得本部并諸衙門差出勾當緩慢人負乘騎鋪馬公路因事停住上馬越趕程限走驟以致將馬疋即漸瘦弱倒死若不定立程限切恐站赤生受省部議得今後凡差出勾當人負出給鋪馬扎付於上驗事標寫緊慢字號除為軍情急速勾當不拘此限外概常例緩慢勾當差出人負每日不越二站走逆仰更為照依坐去下項事理行下管轄州縣并站赤依上施行

○各處如遇宣使人等到站須要站赤官屬觀起馬札子若軍情急速勾當即便依數應付肥壯好馬毋得停留如係緩慢公

事當日行過三站更要起馬或无札子取要鋪馬不得應付  
○今後站赤但有宣使人員到站檢驗札子應付正馬所換兀刺  
赤如元來騎馬者亦教坐馬俟步行者止令步行回馬本站  
更行關文與前路站赤依上施行

○差出馳驛勾當人員合得飲食依例應付毋得闕候如違定是  
取招施行若有騎坐長行馬疋官人員等站赤毋得應付飲  
食草料如有營奉 上司文字合應付飲食者止令州縣應  
付如違治罪

○諸府州司縣官探伺迎接官員差人不得乘坐鋪馬

○今後除為

朝廷急速公事之外毋得擅差報馬亦不得乱行前路文字

○今後使臣人員騎坐前站馬疋遇晚到站不能回還仰於所到  
站內依例遞相對喂草料毋致闕候

○站內槽前鞍轡苦私繩索一切什物須要完整仰各處提點官  
每月赴站點驗毋令短少亦不致馬疋瘦弱闕乏

○至元二十一年七月行御史臺按察北湖南道提刑

按察司申准分司官按察使周通議牒近擬管效察官勾張椿狀告  
差司長符手拍令椿散與妓女人家取要錢物并差人賞帖子要妓



文三名赴館驛內伴宿了當次後崔局長再來喚妓女三名為是夜深不曾差撥因此將椿毆打乞施行事得此除外追照得管勾張椿掌管差撥妓女文曆及總管府批帖自至元二十一年正月十一日至三月十五日經過使臣索斐妓女宿睡內知官職姓名四員余只該不知使臣索斐差撥應付妓女八十八人各各開寫姓名并伴宿月日夜數就問得除事故外妓女三十二名各狀供相同仍審問並不得分文鈔兩令檢會到至元十四年七月內欽奉

聖旨今南宋平定撥立提刑按察司條畫內一欵節該諸出使人員若非無理搖擾各處官司因事取要錢物者仰按察司體究得實申行御史臺施行欽此看詳出使人員只有上司定到飲食分別無許令差撥妓女伴宿今出使人員有此污濫不潔若不糾察申覆切恐所在民人觀感成俗此道官政未易肅清牒請照驗定奪備申行御史臺照詳施行得此照得欽奉

聖旨條畫內一欵節該諸官吏入茶坊酒肆者委監察御史糾察又欽奉聖旨條畫內一欵節該察到職官污濫罪犯每上半年類申御史臺又一欵節該諸出使人員若非無理搖擾各處官司仰按察司體究得實申臺呈首欽此憲臺照得知名不經歷時宣信等四名即係職官污濫除另行究問外仰照驗今後若有作此污濫搖擾各處官司之人

常加体察禁約施行

○**廣西** 奏為馬匹竊盜至元二十四年七月燕南河北道按察司承

奉 御史臺札付該奉 中書省札付通政院咨契西京路申豐州

站官李季進等告稱本站馬匹雖係倚郭站赤見於府外一十余里

立站遇有上司差來本府勾當人負供送各人騎坐馬匹无問勾當

緊急緩慢每日須要將馬匹拴繫時常於座子人家茶房酒肆內或

看探親知人等直至打禁鐘時後纔方回站以致將馬匹餓損瘦弱

倒死必湏勒令站戶隨即補買切恐因而靠損人戶失誤站赤事係

利害咨請更為割付各衙門如有差出人負毋令似前違犯 都省

除外仰照驗依上施行

○**國** 至元二十七年行尚書省割付准 尚書省咨契通

政院呈應出使人負至站无問鋪馬首思曾无失候便將站官人等

非理拷打選揀馬匹站官人等避怕趨閃轉致違慢今後使臣人等

到站若有失誤鋪馬首思人等明白取招呈省申院斷罪以為不致

站赤生受行省地面各省就使出榜禁約出使人負无故不得將管站頭

除外咨請照驗通行所屬出榜禁約出使人負无故不得將管站頭

目人等非理打拷仍拘鈐管站頭目人等常切在站听候毋得輒离

站赤失候支持准此

○聖旨至大四年八月江西行省准

中書省咨刑部呈山東廉訪司聞至大元年九月十九日有開讀聖旨使臣忽赤兀牙等爲河東軍人勾當將利津縣尹成克孝打傷身死勾捉忽赤兀牙等到官取問欽遇

詔書釋放了當又使臣五兒等二起到站拷打官員多要羊肉米面鈔兩等物本部議得若有差使須差有取役人負無祿之人不許差遣如欺凌官府擾民重者呈稟

聞奏輕者本郊官司就便斷罪具呈照詳得此又掣御史臺呈陝西行臺咨漢中道廉訪司申德順州隴安驛等站官邵信等告至大元年九月內

御位下西僧使臣烈思八巴等多起馬及車輛取要鈔兩等物打拷站官等事至大元年十一月二十五日欽遇

詔赦革撥今後內外出使人員似此擾害站赤宜從都省聞奏嚴加禁約實爲便益具呈照詳送刑部議得今後若有差遣出使須要委令有取役人負外據革閑無祿之人不許濫行差遣除腹裏諸衙門內每月將發訖使臣開具給驛事由起馬數目具申合千部分查勘外概各處行省宜從都省移咨每季照勘若有冒濫不應人等凌虐官府拷打站官重者呈稟

聞奏輕者本外官司就便斷罪相應具呈照詳都省咨請依上施行

○四至元一十九年閏六月 中書省擬通政院呈

照得內外諸衙門并各處行省出使人負騎坐鋪馬爲無馳馱馬疋多於兀刺赤馬上梢帶總袋行李皮篋子沉重物貨更有不盡於兀刺赤赤身負帶致將馬疋厭積因而倒死逼令站戶補買即日馬價比之向日添加數倍委是生受乞禁約事都省議得今後出使人負除隨身衣服鋪蓋雨衣外別不得梢帶其餘物件除已割付本院行下各處脫脫禾孫體問外咨請照驗依上施行

○四大德十年六月湖廣行省准 中書省咨刑部呈奉

省判御史臺呈監察御史呈洛河間運司書吏嚴士元狀首大德八年四月二十九日戶部楊司計爲催起京教坊引蒙本司郭運使等省會立帖子於陳箒牘外借到中統鈔七十五兩買到羊一口馬牀子餅酪及令王三姐等歌唱筵會了當責得楊元狀招不合依隨高經歷等前去黃伯善花園內食用訖郭運使等熟羊一口馬牀子等物及樂妓婦女歌唱筵會罪犯是實本臺看詳司計楊元所招罪犯宜令合干部分定擬外據運使郭浩等合從省臺已委官一就取問通行議擬相應呈奉中書省割付送刑部議得凡出使人負於所至之處若是彼无營求免避之事此无徇私欺公之實實主飲食宴樂

即古今內外通理參詳今次取到司計楊元運使郭浩等招伏詞因  
難議坐罪都省准擬仰依上施行奉此照得出使人員已有日給定  
例年終兵部依例照筭訪聞

朝廷使臣并省院臺部諸內外衙門一切出使人等所到郡縣除日常  
例外官吏懼其威勢私結情好自下馬送路日遊賞舖張筵會所費  
甚多用過錢物既不出官吏已身又不敢明破官錢止是詭名作弊  
多端移易非取之官即取之民習以成風公私並困今後諸出使官  
吏除正抵應分例外並不得預本處官吏宴會其本處官吏並不得  
邀請詩提刑按察司體察如有違犯之人計贓定罪設宴及赴宴之  
人一体科斷使官府民間並免侵漁非為小補行下合屬體察去訖  
又照得至元三十一年七月初四日本臺奏過事內一件在前  
世祖皇帝聖旨裏不揀甚麼勾當裏差出底使臣每到外頭非理樓接各  
處官司因事取受錢物更有多與祇應沒體例交百姓生受底交俺  
體察來近聞開讀

聖旨詔赦差出去底使臣每更不揀甚麼大小勾當裏使出去底人每到  
外頭城子裏動支官錢科歛百姓這般行的也有如今

朕道就裏動支官錢科歛百姓這般行的也有如今  
皇帝登寶位這般使見識做賊說謊底人每根底不整治呵大勾當裏生

行得百姓每怎生不生受底如今俺似這般

聞奏過各道行文書禁了呵似這般犯着底人每体察出來呵重底聞奏了要罪過輕底俺每就斷呵怎生麼道奏呵那般者

聖旨曰了也欽此又

奏過一件近年以來裏頭外頭不揀那個大小衙門裏做筵席呵官人令史俸錢裏頭剷除着出麼道除着他每俸錢却於官錢裏頭借要了底也有抵應裏要了也有他每俸錢裏出來底也有爲那上頭養活不得无怕懼无羞耻罪過裏入去底多有如今中書省樞院院不揀那個衙門官人每筵席呵自己氣力裏做筵席者他每管着底以下衙門官吏俸錢根底不交剷除要呵怎生麼道監察每這般說有俺商量來監察每言語是有更但凡尋道子求仕的人每并所屬官吏每與筵席的交禁治呵怎生麼道奏呵那般者省官人每根底說與者麼道欽遵外今掣前因本臺看詳楊元戠居戶部司計催起所屬運司監貨因事飲用本司官吏筵會有違禁例罪過原免難同賓主宴樂古今通礼若以爲例使出使人負做恟侵漁官府誠爲未便本部議得御史臺檢會到奏在

聖旨事意擬合欽依禁治外所言出使人負不得預本處官吏宴會設宴赴宴之人科所事理今來參詳凡出使人負於所至之処如親戚故

舊禮應性返之人賓主宴樂理難斷絕其餘不應飲用官吏筵會侵  
漁官府禁治相應具呈照詳都省准擬請求上禁治施行

# 脫脫禾孫

○**脫脫禾孫**

至元十六年七月初五日中書兵部承奉

中書省劄付樞密院都答兒侍郎蒙古文字譯該來往底使臣除鋪蓋已外馬裏休斃者斃呵脫二禾孫每使臣底斃使臣要了者麼道聖日有來如今來底使臣脫二禾孫站官一外搜呵鋪蓋已外不揀甚麼脫二禾孫要有江南來底客官每也多有比較沒体例的一般麼道奏呵我幾時道來今後休教搜者麼道

聖旨了也欽此

○**又**至元十六年十月初四日行御史臺准 御史其差官承奉 中書

省劄付樞密院呈七月十六日

內裏有時阿里陳江使使來的使臣阿篤蛋對本院官奏說沿路上來的

呵有隨站脫二禾孫搜人底斃馱來拜見西南官每也都搜要了東西奉

聖旨先頭言語了來底休搜者要了東西都回也者欽此具呈照詳欽依

聖旨行下合密照會施行准此照得先准中書省各欽此都省已經劄付

○**脫脫禾孫** 中書省劄付欽奉

至元五年二月初十日

中書右三部承奉

聖旨今後朝廷諸王并中書省樞密院制國用使司應副鋪馬使臣人



等驗各管官司元發劄子數目外但有多添鋪馬者仰本處官司就  
便將元去使臣捉拿步行差人監押前來及各處脫二禾孫好生的  
盤問無鋪馬劄子並無海青牌面騎鋪馬人等者否无却將海青牌  
并劄子并劄子人盤問不着放回去呵脫二火孫不有罪過那甚麼敘此

# 站官

○聖旨通政院咨四月初三日  
住阿刺太子位下來底帖赤連都塞兩個

奏豐州底站裏阿站家頭目沒有等候了多時為不來上頭豐州官人  
每根底喚將來問阿他每道俺已前管着時分不曾這般怠慢如今  
為俺不着阿他每自由自在底行有麼道俺尋思已後使臣每來的  
勾當似這般怠慢遲悞了去也這般奏阿兀良及根底說者這般

聖旨了也傳奉這般

聖旨阿志中書省官人商量奏阿如今這裏差人去若那站家一番遲悞  
來阿打了則交他站裏在意幹辦勾當若已在別既曾怠慢做罪過  
來阿打了交出出去阿擬付會勾當的人這般奏阿奉

聖旨那般者欽此當院除已差官刑去取問及行下站亦須要從朝至暮  
无得取誰站驛各取甘結文狀保結申覆外咨請欽依施行

○聖旨通政院呈上都路申  
失八兒土囊家歹站木赤温僧奴招訖偷盜本站頓放係官布疋又  
招年前累曾偷盜番布皮毬毬襪等罪犯本  
聞奏過已正典刑除將犯人分屍發下西京北京等路隨站轉遞曉諭

外。余後官物到站時暫停住於館舍內。頗放日夜令本站官百戶人等在意看守。无得違犯。如違依例處死。將站官百戶人等斷罪。  
○詔至元二十九年七月十九日通政院欽奉聖旨。條畫內一欵。節該除詔赦迎送外。其餘並不得迎送。祇待以妨公務。欽此。照得近年以來。諸處官司依前迎接。多有攬惹站官。兀刺赤人等騎坐鋪馬迎接。預先走報。因而損壞馬及母。得似前違錯。

○選取站官

見官制站官例

# 站戶

○ 卷之三 二 站

皇帝聖旨行中書省官人每根底行樞密院行御史臺宣慰司官人每根底廉訪司管城子的達魯花赤每根底火失不花奏將來蠻子田地裏有的站戶每說有自立站以來除當站外不揀甚麻差役不當有來如今管民官每重要差役有忙的不忙的使臣每都騎鋪馬有麼道奏將來如今忙的根底騎馬裏不忙的使臣每根底平駢船与者站戶每根底除當站外不揀誰休重科差役者道來這般宣諭了呵不忙的騎鋪馬的站戶每根底重科差役的人每有罪過者聖旨俺的 蛇兒年二月初六日奪羅撒火失温有的時分寫來

大德元年湖廣行省劄付樞密院呈本院官奏奉

聖旨分院前來鎮江置立整治江南四省站亦除欽邊外後站戶人等性往赴院陳告各路府州司縣差充里正土官雜泛差役就候應當站亦於至元三十年三月初六日奏奉

聖旨即該站戶每除當站外不揀誰休重科差役者這般宣諭了呵重科差役底人每有罪過者欽此近據平江路管下水站戶赴院陳告承充里正土官自外若不弄行移文頭欽依已降

聖旨事意甚深誠恐其各路分亦有似此重複差役搔擾站戶日漸靠損  
深為未便今將元奉

聖旨全文重錄在前呈乞行下合屬欽依施行

○**元貞元年**三月二十三日通政院

奏站戶在先

薛禪皇帝聖旨裏說擗裏入去了的休交出者麼道

聖旨有來如今有氣力的站戶出去了呵站亦倒斷了的般有有氣力  
呵站戶不交出去依自在先

聖旨體例只教當站呵怎生奏呵那般者

聖旨了也欽此

○**大德二年**正月通政院准上都通政院咨煇桓州至

昌旱土站達魯化赤申照得各站額設車正貼人戶有近上富實具有  
丁力站戶避重逐輕或弟或兄擅自將本戶分房家口一面呈獻

諸王位下隱占或投充人匠校尉等戶不肯當站其罪見役人戶應當  
若不於本處相應戶內別行抽換或依舊勾充元簽站戶當設誠恐  
久而為例轉轉投屬別管官司至日倒斷站赤事繫利害又燃漆湯  
站申亦為此事得此大德元年七月二十二日

奏過事內一件站戶每各投下

大王每根的

后妃每根底怯恰口裏匠人校尉裏入去了的有如今那般入去了的

每根的和那各役下的頭目每一處分揀着奉

聖旨入去了的有也者無

聖旨自意入去的打了交當站呵怎生麻金道奏呵重打了回與者麻道

聖旨了也欽此

○**天德二年三月**御史基承奉 中書省劄付通政院

呈大德元年三月二十二日日本院官

奏過事內一件漢尼田地裏有的站古富的窮了也窮的富了也這

底每差發親了貧的富的分揀當差發呵怎生麻金道奏呵那般者

聖旨了也欽此

○**大德五年五月**行御史臺准 御史基次承奉

中書省劄付通政院呈照得大德二年十月二十四日准領江通政

院咨各省消之站戶請呈為

聞奏補替施行准此於大德三年正月初七日

聖旨江南有的塔海為頭官人每掩根底說將來在先江南四省官自消

之姓亡站戶每在先行官人每替頭裏補與來如今省家官人每

根底說將去及奪交替頭裏補換呵怎生麻金道奏呵那般者麻道

聖旨了也欽此已於二月二十九日具呈都省自行移各省欽依施行去訖  
至三月十一日准兵部閱該承奉中書省劄付通政院呈准江南  
分院咨各省消乏逃亡站戶都省除已移咨各省自有消乏逃亡人  
戶保勘休覆明白擬定次咨自得此次各處行省并鎮江通政院依上  
施行去訖今准本院咨江南各省逃亡消乏站戶始初有司體覆是  
實隨即於相應戶內簽補將合該稅糧收除明白不失官司元額不  
惟官民兩便站亦亦得成就錄前項外乏站戶始自本院

奏進至今相及二年未煙簽補如又令體覆明白至日咨省見得各處  
因此迂延卒急不能成就誠恐倒斷站赤事係利害照得腰裏補戶  
須於額內除豁合納差稅江南補戶抵數替換收除明白不失官司  
限額擬合令廉訪司秩早體覆實爲便當當院除已移咨本院使  
塔海通奉弄馳驛前赴貴院咨請早爲會議

聞奏施行准此於大德四年十二月二十一日

奏發子田地裏有的消乏站戶每播兒年  
奏呵替頭裏百姓每裏頭補換去麻道

聖旨有來省家官人每行省家官人每體覆有麻道又書寫將未來行省  
家官人每體覆了合補換有麻道行省家與將文書來如今省家官  
人每又交廉訪司官人每體覆麻道道有比及體覆回將文書來呵

見役的站戶每生受有如於康訪司官人每體覆的委矣消之是實  
河那的每替的裏那重相應的百姓每裏頭補換可怎生康道  
奏河那般者康道

聖旨了也欽此

○**國朝**太德六年十一月江浙行省劉付拋通政院判官忻  
都承信差則來浙西補換消之站戶常州等路水馬運運站戶衆告  
路府州縣將富家戶計放免止憑鄉司人等供報多有虛裝或座去  
稅存及亩米數少勾充里正主首妨悞當站等事即目各處將站戶  
不問餘糧多寡一槩差充里正主首應當雜泛差役若家詳酌以站  
戶餘糧當差者亦宜定去石數則例免致一槩差擾兼換消之不便  
具呈照詳得此照得近准中書省咨御史臺呈行臺咨曰太平建康路  
站戶告稱但有餘糧站戶不問糧數多寡一例勾充里正主首妨悞  
當站果欲以餘糧當差者亦宜明白定去則例許令有餘糧若干以  
上石數者應當若干以下者不當免放一槩動搖此係江南各省有通  
例咨請議擬明白咨省准此行移各站講究回申所欠不一省府議  
得各處元登水馬站戶依驗苗糧七十石認馬一疋四十四石該船一  
隻數內有獨戶充當或數戶合湊應若是定立石斗則例應當里首  
里正又兼各處百姓田糧多寡貧富事体不同似難一体立定石斗



則例應當分擬各處站赤除當站田糧外所有余糧比附本鄉都有田納稅不以為何戶計內照依科糧屬尾驗田數多者從上挨排輸流應當似為均平移准都省法該送戶部照擬得且准江浙行省所擬中間若有不應令廉訪糾問相應咨請依上施行

○**大德十一年九月江浙行省准** 中書省咨御史臺呈江南行臺咨察知杭州路仁和縣土豪沈楊善元係籍定馬站戶在後簪戴道冠求充崇德州道判与妻妾同處買占良民田土不當差役擬合与有妻宦僧官一体當差江南以此甚眾若不分揀深為不便得此送戶部照得至元二十八年欽奉

聖旨節該漢兒蛋子和尚先生每修行的体例離家寺裏坐地者有如今有一等狡猾趨奸又人怕當差發越了剃了頭髮与媳婦孩兒一處住有自己身不干淨怎生告

天祝壽有媳婦的和尚先生交做百姓當差又照得大德八年

詔書內一款軍站民匠諸色戶計近年以來往往為僧為道影蔽門戶苟避差役若不整治必久而漸積貧下人民今後除色目人外其願欲出家若本戶丁力勤勞至在役不闕又有昆仲傳養父母者赴元籍官司陳告勘當是實申覆各路給擬方計體窮達者斷罪勒令歸俗欽此本部照得沈楊善元籍馬站戶計在後求充道官妻室同居而避

差役擬合欵法入宗以楊差依舊應當差存及相應得此法請依上施行  
若有似此人等一體禁治自府除外仰照驗施行

# 給驛

○至元十九年四月初九日 中書省欽奉

聖旨有人說禿博田地裏多有從省家文書裏騎鋪馬的人行有欽此回奏則不是禿博田地裏自家鋪馬劄了有又俺每惟趨課程錢糧一切公事差人去呵都騎鋪馬有吏月一兩個常川騎鋪馬劄子與了的也有外前行省家心每自出劄子件來勾當公事的也多有奏呵奉聖旨那省裏來的來自雖這般呵您箇昌著今後您省家休去鋪馬三字者這裏與

聖旨者欽此

○至元十九年六月 中書省

奏過事內一件江南行省行臺按察司寫恐司各路總管府諸衙門官人每差使臣呵他每出給鋪馬札子有

奏呵便行文字省諭休教行者

聖旨了也

○至元二十二年二月十一日 中書省

奏過事內一件如今騎鋪馬根底去

聖旨交去有又水路裏去的站船有去

聖旨日或多了有俺省家文書裏去丟呵爾心生麻道奏呵那般者麻道  
聖旨日了也欽此

○**鋪馬印信文書**至元二十六年閏十月福建行省准 尚書省  
次旨至元二十六年八月二十八日

奏過事內一件遼陽省官人每与將文書來軍情勾當裏使喚人呵在  
先與的牌子關少有再两个差使圓牌索將去也俺商量得依着他  
每索將來的與呵尔心生麻道奏呵牌子不索與您今後但帶牌子的  
貴奉

聖旨的使臣差呵這人根底這些鋪馬這田地裏為這般勾當去也麻道  
騎鋪馬牌子

聖旨日外拿自行印信文書裏行者麼道  
聖旨日了也欽此

○**御史臺劄子**至元二十九年 御史臺劄子擬監察御史官量  
事緩急給降符信文字施行移准

御史臺奏至元二十九年二月十七日

奏過事內一件行營與將文書來去年拿了幾箇後頭  
上位差底使臣每沒

御新

聖旨沒官人每底印信文字口傳

聖旨人根底要罪過底人每有有罪過底人根底放了底也有封了人房  
子斷沒底也有這般呵直說假底分棟不得這其間裏做賊說說底  
有夫也俺商量得今後不棟詐

上位奏准差使臣呵合與

聖旨底與

御寶

聖旨省臺院不棟屬那個衙門底交與印信文字者這般呵便當奏

呵那個人那般來

聖旨有呵咬刺也奴伯顏察兒兩個口傳

聖旨放了人來蘇道奏呵是有那般者蘇道

聖旨了也欽此

○印信文字奏准至大三年五月行其奏准 御史臺奏尚書省

劄付來呈准西康訪司申追照得夔州內為蓋寺造船行卷內至大

二年二月十六日有安豐路高府判馳驛前來報稱本路長押官違

限未到蒙宣慰司提調官見將本路張經歷領索問罪為此差錄事

孫徵事馳驛前去和州催併及差錄判程貞前去六安州收買生漆

應付站馬各一及照得起鋪馬

聖旨二道俱已差官欽齎出外議得係欽奉

聖旨蓋寺緊切事理止用本路印信文字應付鋪馬除已取當該首領官吏招伏若便議擬在前並不曾斷過如此條例共余諸衙門亦有以此違例給驛起數與當該判署正官亦合一沐乞問本臺看詳淮西廉訪司所言宜令合干部分定擬仍取問禁約相應送擬兵部呈移准通政院關該今後各處應有差委不出本境惟辦公事人員擬合止騎長行馬及余准御史臺所擬取問禁約相應准此本部恭詳所州不應止用本路印信文字差委錄事孫徵事寺前去和州等處惟辦公事既係至大二年十月十七日

詔恩已前事理別無定奪今後事遇緊急必須差人馳驛者欽依已降聖旨事意施行毋得止用印信文字乘騎鋪馬如有違犯取去官司並取招伏驗事輕重定罪不出本境惟辦差發者依准御史臺通政院所擬止騎長行馬及如蒙准擬移咨各省劄付本部通行遵守仍令御史臺察察相應具呈昭詳都省仰依上施行

○至元二十八年十二月 中書省

奏准至元新格內一款諸事應差人給驛者雖有元降起馬

聖旨皆須置麻開附每奏申報合屬上司有不應給驛而給者隨即究問行以省差過起數咨省雖不給驛其不須驛亦可辦之事凡於所屬官

司母使因而煩擾

○**題馬置**

天德十年四月湖廣行省准

中書省咨兵部

呈奉省判御史基呈陝西行臺咨西蜀四川道廉訪司申准本道廉訪使曹少中牒切見四川站戶多係凋瘵貧民二十家應當備馬一疋每疋不下中統鈔一十餘定又况山路崎嶇每站相去百有餘里其馬馳驟易於困乏死損提調官司不曾立法恣任站官弄權將富勢之家馬疋作弊欺開其貧弱者連日差遣以致死損馬疋消乏站戶近因成都蜀川驛站馬倒損數多慮有此弊體問得本站設馬七十六疋除日逐起送使臣外小鋪馬口差三二十疋止有走遞鋪馬疋一扇別无差撥小鋪馬文曆凡送使臣站官紊亂差遣不曾過輪自二月初一日至四月終两个月查照得本站馬數每疋有走至七番六番或四番三番却有止差一二番者如此偏重不均除另行外當會本站自五月初為始置總差文簿一扇附寫馬數凡遇起馬照依元附文簿一扇附寫馬數凡遇起馬照依元附文簿自上而下挨次點差仍每疋出給勘合印貼一張并置勘合簿一扇於貼簿上該寫某公馬疋起送是何使臣分付管馬牌頭令各牌依上置曆附寫過責付養馬人夫收管迺送其站官日逐書押須要周而後始輪流走遞不得越次偏重重併差遣每旬結附本站官查照憑准元貼從

實照勘又小鋪為亦按次輪差三日或二日交換俱要依上置簿附  
寫每旬結附以備查照近來追到元置文簿查照得五月至六月終  
亦該兩個月元設馬數走逝每元不過四番尚有止當三番未差遍  
者小鋪馬每元不過十二日中間亦有已當二十日未差遍者較之  
在前未置文簿之前番數減半咸得其平而偏重棄損之弊又恐不  
實再行差官磨問得委是均平又查照本站元置印貼文簿相同當  
此看詳成都府站置立總要去處提調官親臨提調弊且如此其他  
各路所屬此弊不无今將查照到本站三月初一日至四月終未曾  
置簿之前元差馬元次數并今次置簿關防之後輪差數目開坐前  
去請照驗准此申乞明降得此咨請照驗准此本署看詳若准所言  
便益具呈照詳施行批奉都察院旨送兵部照擬連呈奉此務關通  
政院依上照擬去後今准本院關照得前項事理累經行移各處官  
司常切提調所管站亦將各該車馬船隻明附文簿輪番走逝不致  
偏負今准前文當院看詳若准本道所言遍行照會禁約誠為允當  
關請照驗准此本部參詳上項事理宜從所擬遍行照會禁約相應  
具呈照詳都省除外咨請依上禁治施行

○禮上官員不里以爲舖馬至元十七年三月行御史其准 御史

其美至元十七年正月十五日李魯慈若兒才水等



啓過

皇太子事埋內一件俺的按察司上任去時騎鋪馬有來時五月裏茶  
察兒奏這迂轉的官人每來去站裏騎鋪馬有今已後休交騎鋪馬  
呵怎生

奏河那般者麻道

聖旨有來如今俺每箇量得麥子田地裏河西田地西川京兆這般差將  
去的官人每有自己氣力裏去呵去不一般二千里逆外去的與鋪  
馬二千里逆裏去去的教長行頭口裏去

今旨那般者欽此

○皇慶元年五月 江南行基准御史其奏皇大四年十二月二十

七日

奏聖事內一件在先

薛禪皇帝時分其裏行基裏廉訪司裏之任去的官人每一千里之外驗  
着他的品從去鋪馬來如今

上位根底奏了臺裏行臺裏廉訪司裏之任去的官人每有呵依着在先  
行來的体例裏就起程處去鋪馬呵怎生奏呵那般者麼道

聖旨了也欽此奉基咨請欽依施行

皇大四年二月初三日御史基官

奏過近日昂吉兒教奏過按察司官人每鋪馬裏行呵水路裏不行旱  
路行呵父百姓生受有麼道奏呵玉速帖木兒根底說者麼道

聖旨有來俺箇裏了合水路行底田地裏水路裏行者合旱路裏行的田  
地裏教鋪馬行呵怎生奏呵奉

聖旨那般者欽此

○**除人員貴所受** 大德三年二月江西行省為兩廣福建之任官員所  
除人員貴所受

宣勅欲便赴任告給鋪馬站船合無應付移准 中書省自咨該照得逐  
方之任官員如遇河水結凍及不通水路等處 都省給付鋪馬

聖旨前去若水路通便割付兵部行移通政院應付站船至有不週舟楫

地面所在官司依例應付鋪馬為詳請照勘明白文憑依例施行

○**湖廣行省准** 中書省自咨通政

院呈蒙古文字譯該鼠兒年九月二十六日奏

上位并各衙門差去的使臣五箇六箇家鋪馬行有站家鋪馬為那上  
頭生受有今後兩箇三箇四箇鋪馬以下官人每斟酌的來的交與

四箇鋪馬以上

上位不奏了休與呵怎生麼道奏呵那般者麼道

聖旨了也欽此

延祐七年十一月欽奉 至正改元

詔書內一欽雲南四川福建廣海之任官員已有給驛定例到任之後  
不幸病故拋下家屬無力出還窮困遠方誠可哀憫仰所在官司取  
勘見數應付元去鋪馬車船仍給行粮遞送還家如有典賣親屬  
口並听圓聚價不追還永為定式

# 鋪馬

○**鋪馬** 至元五年四月中書右三部承奉

中書省札付有線真官人傳奉

聖旨道與中書省并制用使司官人每兩番有人來說用鋪馬馳運段

正北去有今後但將上去底段正鋪馬休馳教軍子裏來者欽此

○**鋪馬** 至元八年三月尚書兵部承奉 尚書省札付先擬御

史其備山東東西道按察司申照得各路官員應起鋪馬自行出給

有品同起馬多少不一別無定例乞通行定奪送本部議得除有

項定例正數止合依舊乘騎外隨路官員若奉

持旨或省部明文及急速公事應給驛者照依舊例三品五疋四品五

品四疋六品七品三疋八品以下止給二疋省府准擬除已札付

御史臺照會外仰通行合屬依上施行

○**隨路總管府監捕蝗蝻鋪馬** 戶部元行達魯花赤總管三疋同

知治中府判二疋

○**隨路運司** 每季差押運官一員庫子一員赴都送納課稅驗元

給劄子起馬二疋既運司革罷提管府依例送納

○**各路交鈔庫官庫子** 赴都關支鈔本解納昏鈔鋪馬已有定例

各路總管府就給札子起馬一疋

○隨路局院起納段疋雜造軍器界生活各路就給札子應付押運官馬一疋

○隨路府運司衙門每歲差發計撥稅報考較課程人吏各路就給札子起馬三疋今既運司併入總府亦合依例騎坐

○隨路係官投下局院每年差人赴都及於他處關支物料起馬疋上年不曾馳驛者不在此限

○隨路差人根揆急遞鋪遺失損壞文字本路就給札子起馬一疋

進呈

御膳野物本路就給札子起馬一疋

○隨路運司馳運鹽引驗斤重給馬今既改立都鹽使司亦合依例應付

○**官自起鋪馬**至元八年十一月日御史臺奏山東東西道按察司申照勘得山東路統軍司出給札子起過鋪馬為差官歸問公事取發年銷紙扎等勾當別不見軍中勾當公事人員乘騎鋪馬定例乞照詳事為此呈奉到尚書省札付樞密院定議得除取發年銷紙扎歸問詞訟合騎鋪馬依隨路例外外軍官并軍中差委勾當及

出征官負等既係軍情不同其餘公事難以定擬得此送兵部照得  
益都路報到至元七年冬季鋪馬起數內各處統軍司并元帥府在  
先俱各自起給鋪馬扎子差官往來勾當軍情糧儲一切公事每季  
騎坐鋪馬二疋三疋四疋不等公議得沿邊万户遇有軍情急速公  
事差人分頭諸處去者各許騎坐鋪馬一疋統軍司并都元帥府必  
令差委人負自走

朝廷省部樞密院或各處勾當軍情要速事務合騎鋪馬不過二疋所  
有起馬扎子擬合依例止令統軍司都元帥府就便給付侶爲便當  
外揔差官各處歸問軍民詞訟取發年銷紙扎騎坐鋪馬隨路別無  
如此体例所有軍官及出征人負自有梯已出備征行馬疋難議馳  
驛省府佳擬除已扎付樞密院依上施行

○  
至元二十八年八月江西行省照勸各處所立站赤  
依驗驛路緊慢設定鋪馬疋數應付使臣人負走迤在後爲恐見在  
站馬不測病故運勒本戶預置貼馬一疋在家餵養以備補換近体  
知得官站頭目俱令站戶除正馬一疋在站當役外又令將在家貼  
馬拘在站內常川拴繫與正馬一体輪番走迤以此計之每站私下  
自行添訖鋪馬一倍江廣閩海本不宜馬站戶物力止養一疋猶自  
消乏難供今添一疋其每歲倒死補買之費及鞍轡喂養之酒又而

加倍站戶安得不壞即日

朝廷號令計較鋪馬不許從濫起差近日走迤比似已前稍減正是存恤站戶之時省府仰照驗行下合屬諸處站赤止令正馬走迤外概貼馬並仰本戶在家喂養站司不許拘留入站應校違者治罪

○**拜見馬**

中書省至元二十九年五月十五日

奏過事內一件雲南等邊遠田地裏有的歸附人每拜見來呵鋪馬裏上來有拜見的馬疋呵公路的草料百姓每應付與有又差擇馬人夫公路站赤百姓每生受有筭呵一疋馬那田地裏到這裏呵草粉價錢該兩三個馬的價錢有公路上站赤每喂生受有麼道說有今後朔新歸附的百姓有呵有鋪馬裏上來者他每的拜見馬疋公路上一依在先体例與草料者在先曾拜見來的人每再行拜見呵斟酌與他每騎的鋪馬者若有拜見馬疋呵自己氣力裏待上來的他每議者商量來若不那般呵公路裏百姓喂生受的一般有麼道

奏呵那般者麼道

○**聖旨**

了也欽此江西行樞密院准大都通政院咨於至元三十

年三月初五日也可怯薛第一日朶羅歡火失温

奏過事內一件火失不花奏將者月的迷失根底有罪過將去的人那

壁箱草賊生河月的迷失上馬河都騎省站家鋪馬行有後頭不與  
呵怎生麻道奏將來麻道奏河休與者草賊生呵步行趕將去者麻道  
聖旨了也欽此

○**經過州縣文牒鋪馬**至元三十年五月通政院准大都通政院咨換

經歷司呈奉兵部符文該奉 中書省判送通政院呈馳驛使臣人

真公幹到於雲州合騎鋪馬本州於龍門口并赤城站取發鋪馬其

各站不應應付本院奏詳今後各衙門應呈馳驛人負背馬站道幹

辦公事合於經過州縣依例應付馬疋交換驛坐位為便易呈奉

都堂鈞旨馳驛人負背馬站道遠去處幹辦公事令經過州縣依

例倒換鋪馬運送兵部行移通政院照會施行咨請照會合屬依奉

都堂鈞旨事意施行准此照得近為江西行省行樞密院等處所差

人負於始初站亦起馬幹辦公事經過去處不行倒換牲回騎坐三

四十日才方還站亦有倒死馬疋數目為此移准大都通政院咨至

元三十年二月初五日也可性薛第一日朶羅歡火失温

奏過事內一件火失不花奏將來月的迷失的行省官人每月底使臣草

賊等勾當裏去而離了站經過底城子民戶裏頭不換一月四十日

來往行有根脚裏站裏走逝者麻道

奏河那般者經過底城子民戶裏換者麻道

聖旨了也欽此



○分揀鋪馬院駝行省准中書省咨通政院呈大德六年正月干日本院官奏過事內一件和尚使臣每站裏行呵裏駝駝着行呵馬每倒死了有依在先條例裏一百斤餘上不交駝呵怎生麼道那般者宣政院官人每分揀者麼道聖旨了也欽此

○鋪馬不飲草諸物

天德七年三月

江浙行省據通政院呈哈迷等費

扎忽真妃子懿旨一道起馬五匹前來杭州泉州等處催辦等人胖襖等物別不曾經由通政院例給別里哥亦無所資都省咨文若便當關緣各人指說見有貨把与江浙省官人每添氣力

懿旨一道又照得先為

本位下差使臣哈迷蒙古等前來江浙福建收買修造顏料移准都省咨今後若有似此乘驛取發諸物人負明白咨稟况各人迤北前來晉下杭州等處催辦軍需物件除已應副站舡二隻前赴省府外乞明降事移准中書省咨照得大德六年五月初六日奏奉

聖旨節該

諸王位下合關五戶系歲賜段及軍器般運呵官司脚力般運其余諸物無般運的體例欽此今據前因咨請照驗欽依施行

○打捕鷹房總管馬天德七年三月江浙行省准中書省咨通政

院主打捕鷹房總管村出給文憑付忽都不花等於鎮江路黃山等處地面打捕鷹速起給鋪馬即係不應人數難以應付施行間平江路申亦為鷹房總管府牒鎮守平江十字方戶府達魯花赤和尚於本路管下地面西山等處打捕掏模鷹速每年擊架

進呈如有打到鷹速驗數應付馬疋終咨行下合屬禁治希咨回示都省議得乃戶府達魯花赤和尚即係專一鎮守管軍官之職却齊鷹房總管府文字於有主山場地面打捕掏模鷹速濫騎鋪馬合准行省所擬禁治咨請照驗施行

○天德八年四月十三日欽奉

皇帝聖旨中書省官人每奏近年有各處不係指摸納鷹人戶因為已身勾當指納鷹為名收買鷹鵠騎坐鋪馬取要分例納到不堪鷹速將這等人每禁斷的

聖旨交行呵怎生麻道奏來今後大數自裏的并

諸王駙馬根脚裏指摸鷹鵠的人戶已有定例只依那体例裏交送納來者除這的外不揀誰因為已身勾當使見識休送納來者咱每根底堪中覲的好鷹鵠有行省管城子的官人每相驗者委實好鷹鵠有呵他每根底覲驗的文書而等斟酌志鋪馬交送來者道來這般

宣諭了因自己的勾當行省官人每管城子的官人根底不交觀了  
自意差人的并送鷹鷄來的有罪過者欽此

○**近行休奏鋪馬**

大德十年湖廣行省准 中書省咨大德十年正月

二十六日

奏過事內一件外覷做官的人每因着自己的勾當推稱事故教近行  
的人每奏了交鋪馬裏上來者麼道來的人每多有似那一等人每  
既管着勾當所管的人百姓錢糧不問似這般交奏了上來呵大勾  
當裏有窒礙有今後似這般推稱事故的人每也  
休奏者麼道省諭禁約呵怎生奏呵奉  
聖旨那般者欽此

○**不准差鋪馬**

大德十一年九月江浙行省准 中書省咨兵部呈

准通政院咨會驗大德十年五月十六日欽奉

聖旨條畫內一款諸驛站赤消乏蓋因諸王駙馬公主於內外官府不詳  
事體驗急巨細動輒馳驛以致站戶逃移今後非軍情錢糧緊急之  
務必合乘驛者毋得濫差欽此除遵依外今略奉大德十年八月二  
十七日江浙行省差蒙古必闡赤薛居信

進貢

天壽節表章起馬一疋十二月十九日本省差宣使脫脫木兒送納長生

勉起馬一疋十一日本省差官使張顯解納綿貨起馬二疋二十二  
日本省差譯史完者究

建順

正旦節表章起馬一疋得此照得上項八事雖是必合差人中間起馬多  
少不一措情不允及江西湖廣等處行省押物計票及事宣使俱給  
鋪馬二疋事屬濫差當院議得今後各處行省如遇差遣必合乘驛  
者除取官外若差令譯史宣使人等止許給馬一疋不惟省鋪馬  
實革濫差之弊宜從都省通行各省照會相應咨請照驗轉呈中書  
省照詳准此本部叅詳上項事理如准通政院所擬相應具呈照詳  
都省議得除軍情緊急重事及雲南四川甘肅和林城等處必合  
差遣乘驛者許給鋪馬二疋餘准部擬除外咨請依上施行

○通政院至大元年九月江浙行省准 中書省咨兵部呈  
准通政院關院使朵年四月十六日本院官奏

上位与了各官田地取租子去的人并与了錢物取去的廻去的都交  
要騎鋪馬去有如今站赤生受今後休与鋪馬呵怎生廢道奏呵奉  
聖旨休与者廢道欽此

○通政院延祐四年七月行省准 中書省咨御史臺呈准東廉訪  
司申延祐四年正月二十日有

御位下撤徽都吉思丁起馬四疋前來揚州也里可温十字寺降  
御香賜與功德主段疋酒等至初二日有脫脫未孫只也先賈利崇福  
院元差吉思丁等差札赴司覆說吉思丁差札內別无  
御賜酒醴昭得崇福院

奏奉

聖旨與刺懇駁各与一表裏段于別无

御賜酒醴者詳為治之道必先信其管長罰賞之道尤宜重其典礼  
聖天子宗服元勳股肱大臣勤勞

王事者

特加

御賜幣帛酒醴等物以旌其功理所然也彼奧刺懇者也口可温入氏  
素无文藝亦无武功係揚州之豪富市井之編民乃父雖有建寺之  
名年已久矣本以影射差橫乞求忽察宣慰等包辦揚州酒課貪圖  
厚利害聚成家取訖招伏擬决五十七下申覆憲臺昭詳來奉明降  
欽遇

詔恩釋免較之此輩未嘗

御前近侍又非開闢之家

聖上亦不知識今崇福院傳奉

聖旨差告思丁等起馬四疋賞酒醴二瓶前來揚州傳奉  
聖旨恩賜是乃无功受賞况崇福院奉奉

聖旨事意內別无

御酒二瓶不見崇福院端的曾无奏

賜酒醴爲此卑司今抄崇福院差札在前申乞照詳得此照得延祐四  
年正月初十日欽遇

詔敕欽此又照得中書省於皇慶二年二月二十七日

奏過事內一件差將谷処去的使臣并廻去的使臣每外路官人每根  
底他每自己索的葡萄酒并酒將去呵却謊說是

上位賜將去的廢道說的人多有廢道听的來也有

咱每与將去的也者信這般謊將葡萄酒并酒去的好生計較者廢道亦  
烈赤根抵博

聖旨來俺商量

上位知識的外路官人每根底若

上位誰根底賜將葡萄酒并酒去呵交宣徽院与兵部印信文書呵却  
交兵部官与印信別里哥文字憑省那別里哥將去者若无兵部別

里哥文字的必路有的脫脫未採每盤問了留下將去葡萄酒并酒

標省他每姓名說將來俺

上位根底奏了，要緊過呵，怎生奏呵？那般者麼道。  
聖旨了也。欽此。皇慶二年二月二十七日。

啓今後若

太后可憐見不揀雜根底賜將葡萄酒并酒去呵。徽政院与兵部印信文  
書兵部官人每只依這條例行別里哥文字呵。怎生啓呵？那般者麼道。  
聖旨了也。欽此。今檢見申本臺看詳崇福院官當元止是。

奏奉

御香別无所

賜與刺熬酒醴又不經由省部宣徽院有違定例緣係延祐四年正月  
初十日已前事理後有犯此違例者擬合欽依。

聖旨

欽旨事意施行仍令各干部分再行照會相應且至照詳得此都省各請  
依上施行。

# 長行馬

○至元二十年九月福建行省擬建寧路備城西站  
申回任官員長行馬疋料火不見坐到每疋日支谷料數目合無照  
依收拾馬疋條例日支五升乞明隆事照得先准尚書省咨馬疋料  
谷夏月自六月十一日為始每疋料谷五升至七月終住支文月自十  
月一日為始至下生三月住支冬申即係一体事理仰照驗依例施行  
○大德二年正月福建行省據通政院呈近擬本院經歷  
司呈備常州路在城馬站申江浙行省委鎮守杭州穎州萬戶府百  
戶郝閏騎坐長行馬疋千戶買吳騎坐長行馬五疋正分例外從  
人三名本該應付訖分例各人取要長行馬疋草料在站頭日人等  
言道係管民官司應付各人徑將本站官拖扯唾罵行打為礙如此  
兇惡分付百戶徐吳於鋪馬草料內截剋應付了當各自九月初三  
日至十九日有各犯差官一十六起長行馬四十二疋除應付正從  
分例外擬長行馬疋草料俱於鋪馬草料內應付去訖呈乞照詳事  
得此照得長行馬疋草料例皆四月初為始住支十月一日放支設  
若支給亦合逐路經過管民官司取要別無憑站赤於馬戶供給草  
料四應管各官糾撥合着逐路各官追陪今後若有差出人負合得長行



馬定章料於差割內開寫於官民官司應付作差不致侵擾  
奉江浙行省割付該照得年例差官取發邊工事故軍人差割內明  
白開寫差去官飲食分例長行馬定仰經過州城站亦依例應付草  
料照依時月支給本站緣何却於九月內應付各官長行馬草料省  
府除已行下常州路照勘在城站九月內應付過取軍官長行馬草  
料數目申省追陪外合下仰照驗取問本站不應支九月分長行馬  
草料招伏就便完治施行

○臣等謹將大德六年正月二十一日

奏使臣每西番僧人每站裏行河騎着鋪馬特自長行馬行有要草料  
有更長行馬裏行的站裏要草料自於道奏回休与者麻公道

# 船篙

○續通志至元十七年七月行中書省准 中書省咨議得  
今後差去江淮勾當使臣人負除海青使臣及軍情勾當緊急公事  
使臣人等只令乘騎鋪馬前去余者緩慢使臣自濟川水站為始乘  
船前去已咨通政院行省施行去說即日江淮等處之任官員為應  
付鋪馬到於 水站接各乘船前去除已劄付劄子上譯為外恐  
脫二本孫管站人負不行用心辨驗却將合乘艇人負應付鋪馬事  
有違錯除外請行下合屬施行

○續通志至元二十九年二月江西行省准 中書省咨湖廣行  
省咨湖北宣慰司呈准 山南湖北道按察司牒奉行臺劄付江淮行  
省所委宣安軍府達密花赤抄海蒙尚書省右丞相鈞旨省會如今  
聖旨裏道鋪馬勾當在先相哥為他家私的勾當中的不中的差人都騎  
坐騎馬有來今後教休這般行如今完澤恁心做我的言語省會道由  
者鋪馬的勾當用人者三兩裝勾當呵省一個使臣來呵偏不了也  
其委其餘納餼物都交船重乘者欽此

○續通志至元二十九年八月 中書省樞福建道宣慰使高登海外請  
進獻官物都把福建地面裏投坑去若於泉州頭建立水旱站亦接

連鉛山州浦口下船由大江至真州過淮沂裏河直赴大都交卸便  
當拋旱站人夫撥於工宋舊有替開鋪兵取勘見數發下應役如是  
不敷於銅軍并新附土軍內撥撥等事都省已經劄付通政院差官與  
本省一同依上設立去訖與樞密院呈江南見有軍人俱各分佈地  
面鎮守別無散開軍數本省議得先依工宋舊有替開鋪兵官給口  
糧如是不敷於相應苗米五石之下四石之上戶簽補船戶照樣見  
役站船例船首船戶湊合苗米四石補差發付各站通行管領具  
簽交戶數發楚州縣村莊花名丁產文冊畫圖貼說申省施行

**三回官自食草料例**

大德元年六月行中書省准 中書省咨來咨

奏准福建雲南任回官自食草料裏長行馬裏來到水路裏應行站船欵  
此照得至元二十五年十月二十三日准 中書省咨

奏准任回官自食草料馬疋草料即今水路站船別無坐到各各品級合  
得船數莫若照依都省已定飲食草料體例三品以下與船二隻四  
品五品與船一隻六品至九品及令譯史通事官使人等與船一隻  
行李人數多船隻不過此例外拋在任上設官自食妻子亦合依驗  
已死官員品級依例應行飲食馬疋草料水路應行站船實為兩便  
都省照得飲食草料已有定例今將擬到站船數自開坐前去咨請  
依上施行准此照得先准中書省咨至元二十五年十一月十三日

奏准福建行省官人每與將文書來俺管底城子裏做官來的人每曰地遠麼道不肯來有如今怎生般來的每根底去時分鋪馬裏去了月日滿呵回來時分俺根底要了辦由文書的每根底自己的長行頭口裏回來呵公路站裏飲食他每的馬每根底草料交與的道有俺商量得他每的言語是的一般有依着他每說來的站裏安下飲食草料交與着來呵怎生麼道奏呵那般者麼道

聖旨了也欽此都省今驗法回官員品級議定人馬數內三品以上正從不過五人馬五疋四品五品正從不過四人馬四疋六品至九品正從不過三人馬三疋令譯史通事宣使人等正從不過二人馬二疋今後回任官員就使出給文引開寫見授品級人馬數口起程經過路分每起應副正分例一名余者粥飯長行馬疋亦依例旗杆草料如所至去次即將元給文引赴所在官司繳納辦部准此又准中書省咨元貞二年七月初六日

奏過事內一併緊南福建省官人每與將文書來那裏赴任去的官人每鋪馬裏去有住酒回來呵長行馬裏來有那般呵嚙生受有人又那裏做官人去的安了呵息婦孩兒每出來不得說將來有俺商量這的每出來時節旱路裏長行馬裏來到水路裏呵站船裏來呵

卷生奏詞奉

聖旨那般者欽此除欽依外移准 都自坐到任回官員品級合得站船

數目開坐前去仰照驗依上施行 一品二品三品四品

三品至五品船二隻 六品至九品令譯通史宣使等船一隻

○**回官員** 皇慶元年五月江西行省准 中書省咨四川省咨

任回官員舊例得代水路應付站船陸路應付長行馬疋草料令後  
應付脚力科着百姓生受依舊應付官民兩便又准江浙行省咨任  
回官員每船一隻旱路倒換站騫一乘人夫二名今二品与巡尉人  
員一體得船一隻尊卑失序擬合封依已定品級應付相應又准湖  
廣行省咨八番順元等處任回并身故官員家屬相離大都七千余  
里若与河南腰裏官員一體自備氣力委是生受擬合依例應付又  
據御史臺呈備各道廉訪司呈雲南福建兩廣等處赴任官員涉歷  
險阻度越江山道途驚遠至甚荒僻本處素无店舍賊人出沒任滿  
開官員身故家屬站船回還若令自備氣力伏願廉察之官既无資  
力是故隨陪蠻邦合无欽依先奉

聖旨應付站船回還不負

切廷優恤遠臣之意本臺看詳如准所言允叶輿情送與兵部呈照得

至元二十五年十一月十三日

奏過事內一件福建行省官人每与文書來時官滿丁呵回來時分辭

由文書要了公路站裏飲食他每的馬每根底草料文書的道馬倚商董的他每言語是的一般依着他了說來的站裏安下做食草料交与呵怎生麼道奏呵那般者麻道

聖旨了也都省議定三品已上正從不過五人馬五疋四品五品正從不過四人馬四疋六品至九品正從不過三人馬三疋又元貞二年七月初六日

奏調軍內一件雲南福建省官人每与將文書家那裏赴任去的官人每鋪馬去有住酒回來呵長行馬裏來有為那般呵嚙生受有又那裏做馬去的沒了呵媳婦孩兒每出來不得說將來有俺商董的這的每出來時節旱路裏長行馬裏來到水路裏呵站船裏來呵怎生奏呵奉

聖旨那般者欽此都省議定一品二品船三隻三品至五品船二隻六品至九品令譯史宣使等船一隻又雜兒年正月十五日察乃平章奏江南做官去了的備月回來的站船裏來有又

聖旨裏魚喫的也站船裏來並家好生受有今後出來的自的氣力裏出來若力站船裏來的到那个地了回裏呵當了也交自己氣力裏來呵怎生麼道奏呵奉

聖旨了也又至大三年尚書省議得遠方官員任回及身故家屬在雲南

福建兩廣者官給站船一隻至真揚大江爲限其在甘肅四川省依  
例應村脚力本部參詳遠方任回官員并身故家屬如蒙欽依至元  
二十五年元貞二年

奏准事意照依已定品級旱路應付長行馬匹草料水路站船出還本  
費相應具呈照詳都省准撥咨請依上施行

○**福建廉訪司承奉** 行臺劉付准

御史臺咨承奉 中書省劄付呈保定路總管劉之列吉思令除河  
西隴北道廉訪使合得脚力具呈照詳得此送與兵部呈照得皇慶  
元年月日不等奉中書省判送御史臺呈西川道廉訪使夾谷買住  
并羅羅斯宣慰司同知管軍方戶忻都等指鞏昌總帥府達魯花赤  
淵淵木列呈索之任站車批奉 都堂鈞旨送兵部依例施行奉此  
除外照得至大四年三月十八日欽奉

詔書內一款節該站赤消乏蓋由使客繁多失於檢察除海青外應進  
獻鷹隼犬馬等物並令止罷各級歲貢方物有司自有額例其余非  
宣索不得擅進應着執把

聖旨令旨蓋行拘收諸王駙馬投下及各衙門驍馬

聖旨仰中書省定擬以聞諸貴物爲驗者今後无得給馬不應差使登幹  
已私罪及給馬判署正官監察御史肅政廉訪司常加糾察欽此本

部議得雲南甘肅四川各官之任鋪馬一品至九品已有定例所擬  
應行裝載行李老小車輛別無定例往住管案巡運站車品職  
不同多寡不一本部無以遵守似涉泛濫慮恐將來倒斫站赤不便  
擬合今後行省平章燕帖帖車二輛左右丞參政一輛其餘宣慰司  
都元帥府廉訪司宣慰司提督府之任官員俱係外任擬合應付如  
蒙准呈照會本部遵守相應具呈照詳得此復奉 都堂劄旨連送  
兵部依上施行奉此除遵依外奉前因本部議得河西隴北道廉  
訪司劉乞列吉思之任站車係是外任例不應付官從  
都省照會本堂相應具呈照詳都省仰依上施行

○

延祐二年十一月行省准

中書省咨湖廣省

咨廣西宣慰司呈檢會到皇慶元年五月奉 省府劄付准 中書

省咨該處方任回官員并身故家屬云云 又照得大德九年二月

中書省咨御史臺呈

官吏丁憂先籍記於法例云云

看詳遠方任回

及身故官員家口脚力已有通例其有父母亡沒奔喪丁憂及因病  
作闕却行自備脚力跋涉江河動經數月艱阻生受若貧薄無力留  
滯遠處有失親喪甚可哀憫合无同任回及身故一體應計脚力出  
還喪所緣為例事理咨請回示准此送撫兵部呈議得湖廣行省咨  
廣西道宣慰司呈遠方之任官員父母亡沒奔喪丁憂因病作闕却



行自滿脚力跋涉江河若窮薄无力留滯遠達有失親喪甚可哀憫  
以此叅詳上項脚力合依行省所擬照依已定品級旱路長行馬疋  
草料水路斟酌應付站船出還相應良各至懇詳得此都省議得遠方  
官自餘因病作缺難往所擬外揆遭道父母喪亡奔喪丁憂人自懇  
依注滿得代一体應付脚力出還各請依上施行

# 押運

○至元十七年九月御史臺承中書省劄付  
各處起運官物其所差押運人負往往不肯隨逐車輛用心關防或  
令車輛先行自後根趕及或越程前去安歇等候復有徑到地訖住  
經十日或半月之上車輛才行到來以此多致所押物貨沉石路蹶失  
損壞私下着落站戶喝車人等賠償不惟損失官物就畏公事實為  
滋引詞訟不便今後但有起運官物就取押運人等甘結文狀須要  
親為根逐押運晝夜用心關防毋致蹶失損壞都省仰依上施行

○至元二十一年七月御史臺承奉中書省劄付  
付與南京善路宣慰司呈與襄陽路申切見本路經過雲南四川諸  
部亦委吏官自管押

進呈馬疋諸物於內多有得替或因事赴

上官負將帶梯已馬疋等物別賣把解發明文俱備

進呈為名擅與前路官司呈狀或關牒倒行前路於隨處取要人負飲  
食馬疋草料撞物撞馬人夫恣意侵凌官司於所至之處為是  
進呈之物不敢違誤其所押物貨未知是否進

上一例支破官錢動挫於民如此朦蔽上下俱无可見至某便今後遇有

進呈等物若令始自本處官司明給申覆上司文解并押運人負差割  
前路文字開坐數自令經過去處依驗應付飲食草料合用人夫赴  
上亦馮元解領納所進之物似不在負官物庶使於民各得其益申乞  
照驗本司看詳襄陽路所申若令行省等衙門差劄明白開寫合運官  
物應付脚力實為允當具呈中書首照詳前省議得依准所呈今後遇有  
進呈物件本處官司打角了畢點數箱篋包篋秤見斤重於押官差劄  
并關文上明白開寫行移前路應付脚力人夫逆運前來所司驗數  
收受外換飲食草料依例施行

御史呈因公差王陝州胡城站西路逢押綱葡萄酒馱色目人負通

起馬一百一十一疋內馳酒馬六十二疋押運官乘騎并駝行李馬  
一十四疋兀刺赤騎坐三十五疋本站馬數不敷而前站相併又有  
打過上站馬疋應付去訖又体知得陝西漢中道廉訪司察知使臣  
兀里納鋪馬夾帶水銀本司見行取問畢取照得大都至安西各  
站鋪馬多寡不一地實馱酒馬六十二疋押運官行李回馬四十九  
疋如此多官蓋因元起發官司於起馬關文內不行明白開寫實起  
馬疋縱令押運官中間恣意稍帶諸物其各處所設脫木孫止馱心  
前站關文即行憑付並不盤當習成此弊奉中書省劄付都省議

得今後各處起運條官諸物自起程官司將物貨盤秤見數如法打合封記備細數目於押物人差割內明白開寫驗實起數目可起馬疋弁元刺赤對酌緩急分作運次應付經過脫一未孫更為點視照勘差割不致夾帶余物如有違犯之人同元起發官司一体治罪及脫脫未孫不為用心分間亦為嚴加罪責除外仰照驗依上施行

刑部

聖慶元年九月

江西行省准

中書省咨刑

部呈濟寧路備洛州申任城縣准捕盜官牒照得江南各省押運到官物人負各責行省割付倉庫物價並要防送動將捕盜官吏打罵及將弓兵人等吊拷剝脫衣服都省照得先為遞運係官諸物除金銀寶鈔貴細物皆各月防送弓兵照依前路關文隨即應付多者不過一十五名押運人負不合之餘差占及不得須要捕盜官防送外據獲重物皆不係文又規圖之物不須防送又照得多有海外諸番進呈獅象虎豹漢馬犀牛猿猴并江浙四省押運到年例支持皮貨糟姜漆器桐油等物并海道屯田遞運糧斛鎮子園米魚貨小料船隻并赴任回還官負老小自己船隻及緘扎經板經文茶貨甘橘藥物木瓜銅器心紅狗利到相撲人等到來本鎮有押運人負止為前路關文便要正馬弓兵及正官防送是生受合行備申乞照詳施行得此本部欲得弓兵之設本以巡警盜賊其各處起納諸物不分貴

細查重一縣差發官兵護送實妨巡捕事繫利害以此余詳如家都  
省再咨各外行省除  
進呈茶葉金銀釧定錄  
須防送照會本部查  
貴細物貨依例止差官兵其物產重不  
且呈照詳都省請依上施行

# 違例

○借騎鋪馬斷○至元四年 月中書戶部奏東平路馬戶催進告恩州太守石礪將鋪馬借与社会史騎坐前去迤北罪犯議得借驛馬徒二年是官贖銅呈奉 都堂均旨送本部石礪罰俸一月杜令史斷罪六十七下依上斷訖合下各顯依禁約施行

○察借鋪馬○至元三十年八月 通政院准大都通政院咨永奉中書省劄付來呈湖廣等處行樞密院僉書峻木刺管押瓜哇出征軍人軍器前去泉州等路交割本院別無見在鋪馬用左右两江万户楊兀魯歹之任鋪馬六疋

聖旨 一道若便攔當恐誤軍情除已應付外若不禁止切恐其餘一例借用倘有詐偽化難閑防且呈照詳事都省議得前項借用鋪馬事係違錯既是軍情急務已行應付別无定奪仰速爲照勘應付訖鋪馬幾疋是否相應今後毋致以前借用違錯仍通行合爲禁止施行

○省咨通政院呈衛輝路脫靴木孫申江西行省回回令史沐岸沙甘地嚕責得本人狀招既蒙江西行省差遣管伴南番竹瓦奴回程不合歸脉本路倒換元騎正馬二疋經由獲嘉水恩兩站不係還省正路更名

馳站取馬走漏罪犯除令法魯沙就便還省外他法魯沙背兒馳驛  
合令行省斷罪 都省送刑部照擬法魯沙所犯量情擬決  
仰就便依上斷決施行

天德七年三月二十一日江西行省准

中書省咨通政院王天德六年十一月二十二日本院官

奏塔察兒等脫衣未孫与將文書來有差出夫的使臣每有勾當的眼  
勾當的不依站道行有秦州鞏昌府鳳翔府等城子裏經過行有奏  
呵有勾當將城子裏經過行者無勾當的使臣每城子裏經過行呵  
有罪過者麼道

聖旨了也奏時分火者李叔等有來欽此

通政院開布伯告騎首鋪馬住懿州教豹子去時分到大寧路門家  
庄村子日頭落了兀刺赤塔察兒將駝馱馬撇下背自  
宣匣內盛放五疋鋪馬

聖旨一道不見了取了招伏分付高州官司監自自恣生問的官人每識

者得此施行聞又奉 判員卒章鈞百傳差

聖旨那个失了了的八兒赤每捉鋪馬

聖旨若尋覓不見呵兀刺赤塔察兒將駝馱馬撇下背自  
省欽此除已劄付

大寧路更爲取問所招是實就便斷決外請欽依

聖旨事意均例得見就便發付施行

○**大德三年**

十二月湖廣行省劄付與通政院呈近與鎮

江路申江浙行省差千戶烏馬兒前去汴梁等路取勘外亡事故軍人到於本路管下卅陽站有本官令兀刺赤潘荒兒於鋪馬上捎帶私已行笮沉重被本官將所騎馬疋走驟及將兀刺赤馬疋放路催趕以致前項馬疋倒死委官眼同開剝相視得委因走驟倒死取訖烏馬兒不應招伏在官爲此照得至元二十九年七月內有福建行省孟左丞騎坐鋪馬五疋赴

上位奏粟瓜哇出征軍需物料勾當至雅州迎見高平章回還沿路走死楊州界首站馬一疋移桂大都通政院咨十一月十七日奏奉聖旨節該那馬交陪了要罪過者欽此行與楊州路首落本官追陪站已死馬價給主外與已招罪犯欽遇

赦恩釋免了當欽此行與烏馬兒走死馬疋首落本人依例追陪馬價給主別行捕買好馬走逆外及江浙行省差百戶禹順揚庭玉赴北取發盤纏別無賈把行首勘合劄子詐坐站船即係違例事理擬合禁治今後各衙門出使人員除軍情緊急勾當其餘公事不許將鋪馬走死開慢者止令應付站船侶望站赤稍得變息爲此移咨大都



通政院及閣中書首兵部且呈都省通行各處依上章嚴加禁約

○天德七年二月福建宣慰司准通政院咨據平江路申備平望站

申據兀刺赤沈十五狀告十一月初十日迎送到

御位下馬速勿差燕帖木兒前去江浙行省為前造舍里別勾當起馬  
八疋外有兀刺赤騎坐馬頭史懷名下赤驕馬於當夜二更分倒  
死了當相視得馬疋於路走損腸胃今將反尾隨狀見到得此照得  
燕帖木兒尚恃前造舍里別勾當不以事體緊慢恣意於路走驢將  
兀刺赤行打遍身有傷及將馬疋走走斷腸胃以致倒死若不申覆誠  
恐日後做微損害馬疋非惟有損走逆抑且靠損馬戶生受申乞照  
詳得此照得至元二十九年十一月廿七日本院官

奏過事內一件節該亦黑迷失的伴當孟左丞小名的人騎着五个鋪  
馬為奏事去了上頭沿路走死站馬有他根前要了文書他的沒休  
例的奏將來麻道奏呵那馬教陪了要罪過者麻道

聖旨了也欽此今據見申除已行移江浙行省着落馬刺忽所差人獻帖  
木兒追陪馬價斷罪外咨請禁約施行

○自庚寅年

大德三年湖廣行省劄付抄通政院呈龍興路申奉

江西行省劄付抄臨江路申禁約官吏不得中賣馬疋等事務准  
中書省咨臨江路各站連年倒死馬疋出賣田土買到好馬官司不

肯印烙虛稱老弱却將各官低價馬疋加倍由站立限辦納價錢通  
人引死養革准此送刑部議得監臨官吏人等貨中站馬者擬合嚴  
行禁約違犯之人即驗馬疋當時失直追徵沒官計余利依枉法論  
仍給本主外擬許令站戶自為辨認馬疋事理從通政院就便施行  
相應都省甚屋咨請依上施行詳此又換通政院呈前事今後各站  
九遇馬疋不堪倒死隨即督勒站人等補買年小肥壯堪中走道  
馬疋令站官就便相視印烙入站應役提調王官常切點棚若有補  
買遲慢及老病不堪馬疋印烙入站即將當該站官痛行斷罪得此  
仰依上施行

○大德六年五月江浙行省准 中書省咨通政院呈大德  
六年正月二十二日本院官

奏過事四一併各站裏外走了的站戶每拿將來阿罪過不要站裏當  
差發有如今俺商量的這般外走了站戶每七十七下打了他每拖  
欠下的差發交納阿怎生麻道奏阿你道的是有那般者麼道  
聖旨了也欽此

# 雜例

○**離國附** 皇慶元年四月江西行省准 中書省咨 粵直省令人那  
海呈 馳驛前去 沁河上下 催趕守凍 錢帶 船隻 校涉 撻運 前來 赴都  
遵 依 自 李 二 寺 至 臨 清 水 站 俱 各 不 可 起 設 船 隻 就 間 得 臨 清 水 站  
提 領 李 祥 狀 稱 自 至 大 三 年 九 月 內 裝 載 諸 物 并 百 官 老 小 等 船 一  
百 隻 前 去 廣 州 倒 站 本 處 提 調 官 杜 知 州 將 本 站 船 隻 撻 打 前 去 迤  
比 直 至 清 州 揚 村 又 迤 南 宿 迂 八 里 庄 搬 載 官 物 老 小 等 船 隻 被 濟  
州 等 處 俱 各 撻 打 到 本 站 計 船 三 百 七 十 隻 及 行 過 渠 迤 比 去 訖 本  
站 船 隻 比 及 還 站 經 值 河 水 結 凍 至 今 未 曾 到 站 見 無 船 隻 迤 運 得  
此 者 詳 各 處 差 乘 押 運 人 等 止 於 濛 濛 馮 頭 熱 州 府 居 住 守 凍 都  
下 若 用 緊 急 之 物 却 行 拿 捉 百 姓 車 輛 和 雇 運 費 用 官 錢 撻 接 人  
民 深 為 未 便 送 觀 兵 部 呈 議 得 除 百 官 老 小 脚 錢 別 行 議 擬 撻 打 船  
隻 行 下 合 屬 禁 約 外 上 項 事 理 合 咨 行 省 今 後 凡 差 押 物 人 員 量 程  
責 限 須 要 依 期 赴 都 不 致 以 途 停 滯 仍 令 所 在 官 司 常 加 催 督 相 應  
具 呈 照 該 都 省 依 上 施 行